

## UTIŠANE AMBICIJE: MLADI DIPLOMANT KOJI NIJE ŽELIO ZARAD POSLA POSTATI ČLAN STRANKE OTIŠAO IZ BIH

### Potruga za poslom i javna tajna

U međuzbornom periodu 2021. godine mladi diplomant (25 godina) započeo je sa traženjem posla u gradu u kojem živi. Pronašao je otvoren oglas za prijem na jedno od radnih mjesta u javnoj instituciji. Međutim, u tom periodu, bila je javna tajna da tadašnji predsjednik skupštine grada donosi konačne odluke o zapošljavanju u javnim institucijama među kojima je bila i ona u koju je htio aplicirati za posao.

### Otvoren razgovor i otkriće iza kulisa

Ističe da je njegov roditelj neformalno razgovarao sa ocem predsjednika skupštine grada sa kime je poznanik dugi vremenski period. Razgovor se odnosio upravo na otvoreno radno mjesto u javnoj instituciji. Otac predsjednika gradske skupštine poručio je da bi ova pozicija mogla biti dostupna i "sređena" ukoliko bi mladi diplomant postao član lokalne vladajuće stranke.

### Poniženje i poraz: strašna spoznaja

Mladić naglašava da se po saznanju ishoda ovog neformalnog razgovora osjetio poniženo i poraženo.

"U tom trenutku shvatio sam da su mukotrpan trud i rad uloženi tokom četverogodišnjeg studija, koji su bili nagrađeni visokom

ocjenom i brojnim studentskim priznanjima, nedovoljni kako bih imao ravnopravan tretman i priliku da se izborim za posao u struci u svom rodnom gradu."

### Drastična odluka - ODLAZAK

Mladi diplomant je odustao od daljnje borbe navodeći kako su ovakvi postupci zapravo način da stranka stekne mogućnost kontrole kako u njegovom slučaju tako i u svakom drugom sličnom. Smatra da imaju izgrađen cio koruptivni sistem kako bi obezbijedili opstanak na vlasti i održali moć. Sve je navelo mladog diplomanta da profesionalni angažman u struci potraži prvobitno u drugom gradu, a potom i u drugoj državi, što ga je odvelo daleko od rodno grada. Na taj način lokalna zajednica ostala je uskraćena za jednog visokoobrazovanog člana.

### Suočavanje sa strahom: sistem koji ne funkcioniše

Dodaje kako je zbog gnjeva osjetio potrebu da se suprotstavi, ali da nije vidio mogućnost za takav postupak.

"Apsolutno nisam očekivao podršku od bilo koje relevantne institucije. Iste su u potpunosti kontrolisane od strane vladajuće stranke, dok građani žive u strahu. O tome koliko je izražen strah u ovoj lokalnoj zajednici svjedoče nadasve dominantni rezultati ove stranke tokom posljednjih izbornih ciklusa, ali i sve počinjene izborne prevare i nepravilnosti pri čemu su mnoge od njih identifikovane, pa čak i snimljene."